



Ilisimatitsissut Notat

01. maj 2014
Sagsnr. 2014-099222
Dok.nr. 1564078

Postboks 909
3900 Nuuk
Tlf. (+299) 34 50 00
Fax: (+299) 34 54 10
E-mail: in@nanoq.gl
www.naalakkersuisut.gl

Tilbagetagelse af arealer GRL Nunaminertanik utertitsinermut tunngasoq

Illu ima isaqqajaatigilersimappat allanut ulorianarsilluni, sanaartornermut inatsimmi §-it 10 aamma 17 malillugit kommunet periarfissaqarput piumasaqarsinnaallutik *sanaartukkap taassumalu avataani nunaminertat pisariaqartinneqartut malillugit assersorneqassasut inuerutsinneqassasullu*, immaqalu taamatut illup piiarneqarnissaa piumasaralugu.

Ajornartorsiortoqalersarpoq illu allanut ulorianartuunani atorneqanngiinnaleraangat. Nunaminertamik utertitsinissamut periarfissaasinnaavoq pilersaarusionermut inatsimmi § 37-mik atuinikkut aammalu ataatsimoorussamik piginnittuusinnaanermi tunngaviusut:

Pilersaarusionermut inatsimmi § 37, imm. 1-imi allassimasoq, *nunaminertanut oqartussaasunit akuersisoqarsimatinnagu nunaminertaq sunaluunniit nalinginnaasumik atorneqassanngilaq atorneqalissananiluunniit*, akuersinissamut tunngavilersuutaasinnaavoq nunaminertap siunertamut qinnutigineqarsimanerminut atorneerunneranut, Kalaallit Nunaanni tamat nunamik piginnittussaanagerat tunngavigalugu nunaminertaq allanut iluaqutaasussanngorlugu piginnittussaaqatigiinnermut utertinneqassaaq.

Nunaminertaq atugassiisutigineqarnemini imaluunniit pilersaarutaasumut tunngavittut oqaatigineqartumut atorneerunerata uppenarsaasernissaa ajornartorsiutaalerpoq. Assersuutigalugu sunngiffimmi illuaqqap ornittakkap sivirusumik atorneqarsimannginnerata uppenarsarnissaa ajornakusoorpoq. Qujanartumilli ilaannikkut uppenarsaatissaqartoqartarpoq.

Taamaalilluni oqartoqarsinnaavoq, inuk illoqarfigisamini inissiaqarfii ilaani nunaminertamik tunineqarsimaguni, illuali matoqarnani, taava illua ineqarfittut atorneqarsinnaanngilaq, imaluunniit inuk inuussutissarsiummik ingerlataqarfissamik nunaminertamik tunineqarsimaguni, kommunillu uppenarsaatissaqartippagu nunaminertamut CVR-nr.-liisoqarsimanngitsoq, imaluunniit suliffeqarfik aningaasanik isertitaqarnanilu aningaasartuuteqarsimanngitsoq – tassa suliffeqarfiup suunera apeqquataalluni nioqqutissiassanik, atortussanik, pisiassanik sullissinernilluunniit

tunisaqartoqarsimangitsoq - taava nunaminertaq atorineqarsimassanngilaq, kommunillu taamaalilluni nunaminertamik tunniussineq atorunnaarsissinnaavaa nunaminertarlutit utertissinnaallugu pilersaarusiornermut inatsimmi § 37, imm. 1-imi tunngavisoq naapertorlugu, tassa nunaminertaq sunaluunniit nalinginnaasumik atugassatut atunngitsoortinneqassanngitsoq aammalu Kalaallit Nunaanni nunamik tamat piginnittussaannerat atuutissasoq.

Nunaminertamik atugassiisut utertinneqarnissaanut nunaminertap qanoq siviututisumik atorineqannginneranut piffissamik aaliangersimasumik killiliisoqanngilaq, sivikinnerpaamilli ukiunik marlunnik sivissuseqarsinnaavoq. Nunaminertalli ilumut atorineqannginneranut piviusumik uppersaatissaqartoqartariaqarpoq, tamatumunngalu inuussutissarsiornikkut unittooqqasogaarnera, inuup pineqartup napparsimasianera, aallaqqasimanera allatulluunniit nassuiaatissartalimmik peqquteqarsimanera pissutigineqaannassanngillat.

Nunaminertamik akuersissutaatilik kommunip iliuuseqannginnerani ilisimatinneqaaqqaassaaq, pisumik aaqqiiniarsinnaanera periarfissikkumallugu; suliffeqarfimmik aallartitsisinnaaqullugu illulluunniit inigineqarsinnaalernissaanut iliuuseqarnissaanik periarfissikkumallugu, imaluunniit nunaminertami illuutiminik nammineerluni tuniniaasinnaaneranik periarfissikkumallugu.

Nunaminertamik utertitsinerlutit ilanngullugu piimasaqaataasinnaavoq nunaminertap pissuseqqaamisut isikkoqarluni utertinneqarnissaa (malitassat aaliangersagaapput nunaminertamik tunniussinerlutit atasumik, tak. § 46 imm. 2-mi nr. 6), piginnittullu nunaminertamik aaqqiissuussinissaq pisussaaffigaa. Piimasaqaalli taamaattoq piffissalernerneqassaaq qanorlu annertutigisumik aaqqiissuussisoqarsimanissaa aammattaaq allassimassalluni.

Illu nalitungaatsiarsimappat piginnittumit piiaannarneqarsinnaanani, nunaminertamik utertitsinissaq piginnikkunnaarsitsinissamut taarsiullugu ajornartorsiornarnerussaaq. Piviusunngortinnissaanili ajornartorsiut taama annertutigilertariaqanngilaq. Ilimagisariaqarpoq illu piginnittumut naleqangaatsiarsimappat, taava soqutiginerussagaa atortarnissaa imaluunniit tuninissaa, pingaartumilli aserfallatsaalinnissaa. Utertitsinissaq taamaammatt kisimi atorineqarsinnaassaaq aaliangiinnermi tunngaviit kinaassusersiunngitsut takutippassuk nunaminertaq atorineqanngitsoq. Tamannalu takussutissaasarpoq illut nunaminertamiluunniit tassaniittut allat naleqarujussuannginnerannik.

Siuliani soorlu taaneqareersutut tunngavilersuut uaniippoq, nunaminertat atorineqanngitsut

nalinginnaasumik atugassatut atunngitsoortinneqartutut isigisariaqartut, kiisalu Kalaallit Nunaanni nunamik tamat piginnittussaannerannut tamanna akerliusoq, taamaammallu kommuni nunaminertamik atukkiinnermini atorunnaarsitsillunilu utertitsinissaasoq.

Utertitsinissamut tapertaasinnaasoq alla Vejledning i arealanvendelse og planlægning 2. del, Grønlands Hjemmestyre, oktober 1996 kapital VI-mi, Nunaminertamik tunniussinermik utertitsineq, pilersaarusiornermut inatsimmik

paasinninnissamut atuinissamullu malittarisassiaasut takuneqarsinnaapput.
Periaatsilli eqqartuussivimmi suli misilinneqarsimannginnera
erseqqissaatigineqassaaq, taamaammallu kredsretsimi
atorunnaarsinneqarsinnaalluni, innuttaasup nunaminertamik utertitsineq
eqqartuussivikkoortissagaluarpagu.

Inussiarnersumik inuulluaqqusillunga
Med venlig hilsen

Annesisse Furbo Jensen

Toqq/direkte 34346713

anfj@nanoq.gl